

«Намозингни ўқи. Ғазаб қилма. Мен Расулуллоҳ соллаллоҳу алайҳи васалламнинг:

«Бу шайтоннинг тўқимидир», деганларини эшитганман», деди».

Абу Довуд ва Термизий ривоят қилганлар.

Инсон намоз ўқиганида, сажда қилганида унинг барча аъзолари, бутун вужуди, ҳатто кийимлари ҳам иштирок этиши керак. Агар эркак киши сочини қайтариб, турмаклаб олса, ўша ҳолатга путур етади. Шунинг учун бу иш макруҳ ҳисобланади.

عَنْ عَدْنَةَ مَلَسَتْ وَهِيَ لَعْنَةُ جَلَلِ اللَّهِ عَلَيْهِ لَوْلَا لَوْ سَرَّ أَنْ عُنَّ جَلَلِ اللَّهِ فِي ضَرَّةَ رِيَّ بِأَنْ عَنِ
يُذِمُّ رَّتْ لَوْ دُوَادُ وَبِأَنْ هَ أَوْرُ. هَ أَفُ لُجَّ رَلَّ يُّ طُعُيْ نَ أَوْءَ أَلَّ ص لَّ ي ف ل دَّ س لَّ

Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васаллам намозда кийимни осилтиришдан ва эркак кишининг оғзини тўсишидан наҳий қилдилар».

Абу Довуд ва Термизий ривоят қилганлар.

Ушбу ҳолатлар кўпроқ Арабистон шароити ва у ердаги халқларнинг одатларидан келиб чиққан. Маълумки, уларда эркаклар ҳам узун кийим кияр эдилар. Нафақат узун кийим кийганлар, балки кийимларини узун қилиш билан фахрланар эдилар.

Шунингдек, арабларда салланинг бир учи билан оғизни бекитиб юриш одати ҳам бор эди.

Ислом дини кибру ҳавога боғлиқ ҳамма нарсаларни ман қилганидек, кийимни фахр, кибру ҳаво билан судраб юришни ҳам ман қилди. Намоздан ташқарида ман бўлган нарсани намозда ман бўлиши турган гап. Шунингдек, киши намозда оғзини бирор мато билан тўсиб олиши ҳам макруҳдир.

«Ҳадис ва ҳаёт» китобининг 5-жузи

Ўзбекистон Республикаси Дин ишлари бўйича қўмитанинг 2024 йил 23 январдаги 03-07/362-рақамли хулосаси асосида тайёрланди.